



Rabu, 8 Mei 2024

Ogen: Kuan-kuanen 14:30



PINAKIT KANKER



Sendah enda iperingetti selaku wari kanker ovarium se doni. Kanker jenis enda me peringkat 8 sijadi penyebab kematen erkiteken kanker. Kanker Ovarium, bali ras kanker serviks, kanker Rahim, kanker payudara si khusus terjadi bas diberu saja. Kanker enda turah/menyerang sada ntah duana ovarium si lit ibas bertinta. Fungsi ovarium eme ingan sel telur ihasilken ras ikembangkan guna proses pembuahan. Adi ceda ovarium erbanca la lit sel telur ihasilken si jadi salah sada penyebab kalak la lit pupusna. Ovarium pe ingan produksi hormone bas diberu, emaka kerusaken ovarium pe ngaruh kubar hormone si ngaturken siklus bulanen bagepe mpengaruhi kubar emosionalta.

Kesehaten ovarium penting bas kita diberu. Tapi pinakit kanker banci merenggut kerina si enda. Kita la banci meter kal ngatakenca maka pinakit kanker e turah erkiteken sada factor ngenca, eme kinilabeluhenta njagai kesehaten. Kanker e iandingken ras cian ate. Biak cian ate lit nge kerina bas diri jelma si nggo ndabuh kubar dosa, tapi adi siasuhi si pebelin ras la minter si sedari, banci kepe reh belinna seh lanai terpilasi. Jadi biak sel kanker lit nge kerina ibas dirinta. Sekalak ahli kanker I rumah sakit Penang, ngatakenca ibas 5 tahun nari 1 ibas 4 kalak terindikasi kena kanker. Jadi kai sipenting gundari? Bagi bias cian ate bas ukurta ndai, minterlah si sedari dengen siendesken man Tuhan. Waspadalah kita alu bijaksana. Asa gegeh si jagai banta ras organ-organ tubuhta. Selebihna si periksaken banta, terlebih kita si enggo teridah lit factor resiko keturunan ntah si rusur terpapas zat-zat kimia. Siendesken man Tuhan, dengen sipercayaken pertambarta ku dokter. Tenenglah labo kai pe banci nirangken kita arah keleng ate Tuhanta.

Wari enda mari secara khusus sitotoken temanta entah keluargata si kena kanker ovarium. Sitotoken reh pedasna malem, perobatenna, kesehaten mentalna dengen gelah ngasup ia erpengendes man Tuhan.



Blank writing area with a wavy top edge.